

The background of the entire cover is a warm, golden-brown glow with soft, out-of-focus light patterns resembling lens flares or bokeh. In the center, a newborn baby is being held gently in two cupped hands. The baby's face is visible, with eyes closed and a peaceful expression. The hands holding the baby are also visible, with fingers slightly curled around the infant. The overall mood is tender and protective.

SASA AMBAPO UMEZALIWA TENA

Chris Oyakhilome, D.Sc., D.D





SASA AMBAPO UMEZALIWA TENA

Chris Oyakhilome, D.Sc., D.D

Nukuu za maandiko yote katika kitabu hiki zimetolewa kutoka Biblia toleo la "King James" isipokuwa pale ilipoonyeshwa vinginevyo.

Toleo la Pili, 2013

Uchapishwaji wa tano, 2019

ISBN 978-978-51521-0-4

Copyright © 2006 LoveWorld Publishing

Kimechapishwa na: LoveWorld Publishing
3, Adebayo Akande Street, Oregun, Ikeja, Lagos, Nigeria.
Email: info@loveworldbooks.org
Website: www.loveworldbooks.org

UNITED KINGDOM:

Unit C2, Thamesview Business Centre
Barlow Way, Rainham, RM13 8BT
Tel: +44(0)170 855 6604

NIGERIA:

Christ Embassy
Plot 97, Durumi District,
Abuja, Nigeria.

NIGERIA:

Plot 22/23 Billings Way, Oregun,
Ikeja, Lagos.

Tel: +234-808 586 5700,
+234-817 198 7339
+234-802 478 9892-3

Tanzania:

Dar es Salaam, Mbezi Beach –
Makonde
Tel: +255 742 942 655

USA:

Christ Embassy Houston
8623 Hemlock Hill Drive
Houston Texas 77083

Tel: +1-281-829-4443;
+1-281-372-8100

CANADA:

4101 Steeles Ave W, Suite 204
Toronto, Ontario
Canada M3N 1V7

Tel: +1 416-667-9191

SOUTH AFRICA:

303, Pretoria Avenue
Cnr. Harley and Braam Fischer,
Randburg, Gauteng South Africa.

Tel: +27 11 3260971
+27 11 3260972

*Barua pepe: info@loveworldbooks.org
tovuti: www.loveworldbooks.org*

Haki zote zimehifadhiwa chini ya sheria ya kimataifa ya hakimiliki. Maudhui na/au ganda la nje la kitabu visinakiliwe ama kuzalishwa tena katika mfumo wowote ule, iwe kitabu chote ama sehemu yake isipokuwa kwa ruhusa ya kimaandishi kutoka kwa "Loveworld Publishing"

YALIYOMO

1. WEWE HALISI	9
2. WEWE NI KIUMBE KIPYA	13
3. UNAYO ASILI NA UZIMA WA MUNGU!	15
4. WEWE NI ILE HAKI YA MUNGU!	19
5. UMEHASABIWA HAKI!	21
6. UMETAKASWA!	23
7. UMEKOMBOLEWA!	27
8. ROHO WA MUNGU ANAKAA NDANI YAKO!	29
9. UFANYE NINI PALE AMBAPO MAWAZO YASIOFAA HUKUJIA AKILINI MWAKO?	31
10. UFANYE NINI PALE AMBAPO MARAFIKI ZAKO WA KALE HUJARIBU KUKUKATISHA TAMAA?	41
11. UFANYE NINI PALE AMBAPO KUUDHIWA NA KUONEWA HUJA?	47
12. ROHO MTAKATIFU NA WEWE!	53
13. JE! NI LAZIMA UENDE KANISANI?	63



Ndugu Mgwendu,

Hongera kwa [kupokea] kipawa cha bure cha uzima wa milele, ambacho ulikipata pale ulipomkubali Yesu Kristo kama Bwana na Mwokozi wako.

Ninataka kukushirikisha kweli ambazo ni za msingi kwa imani yako kama Mkristo, kweli ambazo kwa hizo unaweza kujenga maisha imara na thabiti ndani ya Kristo. Jifunze kitabu hiki kwa bidii na kitakuzalia mavuno ya milele.

Ninaomba Mungu akupe Roho ya hekima na ufunuo katika kumjua Yeye, hata macho ya ufahamu wako yakatiwe nuru na utambue jinsi gani lilivyo kubwa tumaini alilokuitia, na kwamba ukayajue yote uliyokirimiwa [na kupewa bure] ndani ya Kristo, Amina.

Kitabu hiki kitakusaidia kuanza safari ya maisha mapya ndani ya Kristo Yesu. Pale

unapojifunza kitabu hiki, tazama katika Biblia na uyachunguze maandiko wewe mwenyewe.

Ninaamini kwamba ujumbe uliomo humu utayabadili maisha yako na kukusaidia kuichonga baadaye yako sawa sawa na kanuni za Neno la Mungu.

Mungu akubariki sana, katika Jina la Yesu, Amina.

Mchungaji Chris Oyakhilome

WEWE HALISI

U zaidi ya huo mwili unaouona. Wewe ni zaidi ya hilo vazi lililofunika hisia zako (hisia za kuona, kusikia, kugusa, kuonja na kunusa). Ndani yako, kuna kitu fulani, tena, yupo ambaye yu zaidi sana kuliko huo mwili wako. Ni roho yako ya binadamu, na huyo ndiye wewe halisi.

Mtu huyu wa ndani ndiye yule ambaye Biblia inamzungumzia katika 1 Petro 3:4: ***“bali kuwe utu wa moyoni usioonekana, katika***

mapambo yasiyoharibika; yaani, roho ya upole na utulivu...”

Pale mwili wa mtu unapokufa, roho yake huendelea kuishi. Anaendelea kuwa nafsi ya binadamu vile vile kama tu alivyokuwa kabla hajafa; anakuwa hajapoteza kitu chochote isipokuwa ule uwezo wa kuenenda katika ulimwengu wa mwili. Mwili wake unaweza kuwa mfu, lakini mtu halisi–yule mtu roho–bado anao ufahamu wote aliokuwa nao kabla hajafa.

Yesu alisimulia habari katika [kitabu cha] Luka Ukurasa wa 16 kuhusiana na watu wawili waliokufa. Mmoja alikuwa omba-omba aitwaye Lazaro. Hapa hoja si kwamba alikuwa omba-omba, ila ni kuwa pamoja na yeye kuwa masikini, lakini alikuwa na moyo wenye haki. Pale alipokufa, akachukuliwa mpaka kifuani mwa Ibrahimu. Yule mtu wa pili naye akafariki. Mtu yule alipata kuwa tajiri duniani, lakini

hakuwa ameishi maisha ya haki.

Zingatia kuwa pale alipofariki, mwili wake ulizikwa duniani, lakini Yesu akasema kwamba kule kuzimu, aliinua macho yake na kumuona Lazaro katika kifua cha Ibrahimu na akamtambua Lazaro. Hii maana yake bado aliweza kuona. Ndiposa akamuita Ibrahimu na kusema, “Tafadhali nisaidie!” Unaona, bado aliweza kuzungumza. Ibrahimu naye akamjibu na akaisikia sauti ya Ibrahimu, ikiashiria kuwa bado aliweza kusikia.

Mtu yule tajiri pia alisema kuwa ana kiu, na si tu kuwa alikuwa na kiu, pia alikuwa katika maumivu. Hivyo akaomba, ***“Tafadhali mruhusu Lazaro aje anipatie tone la maji kuipoza kiu yangu.”*** Bado kuna hoja nyingine ya kuzingatia hapa—aliweza kuhisi.

Fahamu zake zote bado zilikuwa zikitenda kazi. Tena, aliweza hata kukumbuka mambo kwasababu alisema, “Tafadhali, mtume

mmoja wapo wa wafu akawahubirie ndugu zangu.” Alikuwa na ndugu watano duniani, hivyo akafikiri, ***‘Pengine kama mmoja wapo katika wafu akiwaendea, watamuamini.’*** Aliwakumbuka ndugu zake!

Hili hukufahamisha kuwa roho ya mtu huendelea kuishi. Na pale mtu anapozaliwa tena, ni roho yake ya binadamu ndio huzaliwa tena!

2 Wakorintho 5:17 inasema,

“Hata imekuwa, mtu akiwa ndani ya Kristo amekuwa kiumbe kipya; ya kale yamepita tazama! Yamekuwa mapya.”

WEWE NI KIUMBE KIPYA

Sasa ambapo umempokea Yesu Kristo na umemfanya kuwa Bwana wa maisha yako, wewe si tena yule uliyekuwa hapo zamani. Unaweza kuwa waonekana vile vile kwa nje, lakini kwa ndani, wewe ni mtu mpya kabisa. Hicho ndicho Biblia inachosema. Wewe si ‘mfano wa kiumbe kipya,’ bali ‘u kiumbe kipya’—toleo jipya la kiumbe ambalo halijawahi kuwapo kabla (2 Wakorintho 5:17).

Haujafanyiwa mabadiliko, haujapambwa

tena wala kunakshiwa tena; wewe ni kiumbe kipyā—mtu mpya kabisa. Hata hivyo, ukweli kwamba wewe ni kiumbe kipyā ndani haimaanishi kuwa, kwa nje, utaonekana tofauti. Kama ulikuwa na nywele fupi kabla hujazaliwa tena, mtindo utabaki huo wa nywele fupi. Bado utakuwa na kazi ile ile, familia na majirani wale wale.

Pamoja na hayo, hoja hapa ni kuwa, maadili yako yamebadilika. Sasa una namna mpya ya maadili [na vipaumbele] kwasababu sasa wewe u mtu mpya ndani.

UNAYO ASILI NA UZIMA WA MUNGU!

Kuwa umezaliwa tena, Mungu amekupatia nguvu [na uweza] wa kuwa mtoto Wake (Yohana 1:12). Asili ya Mungu imepandikizwa katika roho yako ya binadamu. Sasa unao uzima mpya, ule uzima wa Mungu ambao Yesu Kristo humpatia kila mmoja mwenye kumuamini Yeye. Huu ni ufahari [na heshima] kubwa sana! Kwahivyo wewe ni mshirika wa asili ya Mungu (2 Petro 1:3-4).

Sasa Mungu ni Baba yako! Kwa namna

gani? Asili [ya kitu] hutokea tena kupitia kuzaliwa; hii ndio maana siku zote mbwa atamzaa mbwa. Na Yohana 1:12-13 inasema, ***“Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake; waliozaliwa, si kwa damu, wala si kwa mapenzi ya mwili, wala si kwa mapenzi ya mtu, bali kwa Mungu.”***

Mungu ana hisia za mzazi kwako. Wewe ni mwanafamilia wa nyumba Yake, na kwahiyo ni raia wa Mbinguni anakokaa.

Mungu anawajibika na wewe. Atakusambazia mahitaji yako yote sambamba na utajiri Wake usiokwisha katika utukufu kwa Kristo Yesu (Wafilipi 4:19). Anao mpango mwema kwa maisha yako, ambao ulianza kutenda kazi pale tu ulipozaliwa tena. Wewe ni mtoto wa upendo wa Mungu aliye pendo, umezaliwa katika familia ya upendo. Hili ni la muhimu sana. Alikupatia uzima huu mpya ili

ukawe mshirika wa Ufalme Wake.

Biblia inatangaza kuwa Mungu amekupa uzima wa milele. Huu ndio uzima uliopo ndani ya Mungu, ambao hufanya iwezekane kwa Yeye kuwa Mungu. Huu ni uzima wa namna [na jinsi] ya Mungu. Uzima huu ndio ulifanya isiwezekane kwa kaburi kumshika Yesu Kristo. Huu ndio uzima wa ufufuo, na uzima huu sasa umo ndani yako!

"Na huu ndio ushuhuda, ya kwamba Mungu alitupa uzima wa milele; na uzima huu umo katika Mwanawe. Yeye aliye naye Mwana, anao huo uzima; asiye naye Mwana wa Mungu hana huo uzima. Nimewaandikia ninyi mambo hayo, ili mjue ya kuwa mna uzima wa milele, ninyi mnaoliamini Jina la Mwana wa Mungu" (1 Yohana 5:11-13).

Ni yule tu aliye na MWANA ndiye mwenye kuwa na uzima huu, kwasababu uzima huu umo katika Mwana wa Mungu. Pale ulipompokea, uliupokea uzima huu.

Uzima huu unafanya isiwezekane kwa wewe kushindwa na hali yoyote [tete]. Siku zote uzima huu hukuweka juu zaidi. Hebu fikiria kuhusu hili! Haiwezekani kwa Mungu kuharibiwa au kushindwa. Sasa unao uzima Wake: hauwezi kuharibiwa au kushindwa, kwasababu Roho Yule Yule aliyemfufua Yesu kutoka wafu anakaa ndani yako! (Warumi 8:11).

WEWE NI ILE HAKI YA MUNGU!

2 Wakorintho 5:21 inasema, *“Yeye asiyejua dhambi alimfanya kuwa dhambi kwa ajili yetu, ili sisi tupate kuwa haki ya Mungu katika Yeye.”*

Mfikirie Mungu akifanya kile unachoweza ita ‘kupandikiza-asili.’ Alimfanya Yesu kuwa dhambi (yaani, dhabihu ya dhambi) kwa ajili yetu ili sisi tukafanyike kuwa ile haki ya Mungu katika Yeye.

Hiki ndicho kilichofanya iwezekane

kwa Yesu kufa kifo cha mdhambi mahala pako. Matokeo yake ni kuwa sasa unaweza kusimama mbele ya Mungu bila kuwa na hisia za hatia, hofu, au kujiona finyu (Waebrania 10:19, Warumi 5:1).

UMEHESABIWA HAKI!

Ina maana gani kuhesabiwa haki? Maana yake ni kutangazwa kuwa 'huna hatia.' Kwa upande wake Mungu, wewe hauna hatia ya kosa lolote. Biblia inasema, ***“Basi tukiisha kuhesabiwa haki itokayo katika imani, tunayo amani kwa Mungu, kwa njia ya Bwana wetu Yesu Kristo,”*** (Warumi 5:1). Umehesabiwa haki!

Yesu alichukua adhabu ya dhambi zako pale alipokufa msalabani, ijapokuwa hakuwa

na hatia ya dhambi yoyote (1 Petro 2:22). Hii ndio maana Mungu hashikilii tena dhambi zako dhidi yako. Biblia inasema,

“Yaani, Mungu alikuwa ndani ya Kristo, akiupatanisha ulimwengu na nafsi yake, asiwahesabie makosa yao; naye ametia ndani yetu neno la upatanisho” (2 Wakorintho 5:19).

UMETAKASWA!

Hebu tuvute picha kwa muda mfupi kuwa uliangukia katika shimo; ulichafuka sana, na mtu akaja akakunusuru– yaani, “alikutoa katika shimo.” Kitu kilichofuatia hapo ulitakiwa ujisafishe kabisa. Kwa maneno mengine, “Kutoa zile taka za shimo mwilini mwako,” na hilo lingetumia muda na jitihada. 1 Wakorintho 6:11 inasema,

“...lakini mlioshowa, lakini mlitakaswa,

*lakini mlihesabiwa haki katika jina la
Bwana Yesu Kristo, na katika Roho
wa Mungu wetu.”*

Utakaso u katika awamu mbili: kwanza, Mungu hukutoa shimoni; hiyo maana yake, umezaliwa tena na papo hapo kutakaswa, kutengwa mbali na dunia kuja kwa Mungu. Alafu ndiposa unalazimika kutoa taka za shimo kwa kuutiisha ufahamu wako katika mchakato wa kusafishwa (kufanywa upya) kwa kupitia Neno la Mungu (Warumi 12:2).

Kufanywa upya kwa ufahamu wako ni mchakato unaoendelea. Ufahamu wako ulizoezwa kufikiri katika namna moja, kuona vitu kimwili ndipo uamini [baada ya kuona mwilini]. Sasa, kwa kufanywa upya ufahamu wako, unauruhusu ufahamu wako kuona mambo kama Mungu aonavyo. Unaufunza tena ufahamu wako kuona vitu kwa kutokea katika mtazamo wa Mungu. Ndiposa utatamka

maneno ya Mungu kwa namna ya Mungu
na kupata matokeo anayopata kutoka katika
Neno Lake.



UMEKOMBOLEWA!

"Mkimshukuru Baba, aliyewastahilisha kupokea sehemu ya urithi wa watakatifu katika nuru. Naye alituokoa katika nguvu za giza, akatuhamisha na kutuingiza katika ufalme wa Mwana wa pendo lake "Wakolosai 1:12-13).

Tangu wakati ulipompokea Bwana Yesu Kristo, ulikuwa mshirika wa Ufalme wa Mungu. Hakuna pepo arukaye kutoka kuzimu ataweza kukudhuru sasa. Uko huru dhidi ya agano lolote ulilowahi kuingia, kwa kujua

ama kwa kutokujua. Uko huru dhidi ya kila tabia, dhambi, maradhi au ugonjwa ambao uliwahi kukukamatilia [na kukufunga]. Kwanini? Kwasababu umekombolewa (Umeokolewa) kutoka katika nguvu za giza!

Biblia inasema kuwa Mungu amekukomboa (amekuokoa) kutoka katika udhibiti na utawala wa giza na kukuhamishia katika Ufalme Wake. Wala hauna haja ya kuogopa kamwe. Mungu ndiye mchungaji wako na macho Yake ya ulinzi siku zote yatakuwa juu yako (Zaburi 23:1).

Biblia inasema: *“Basi Mwana akiwaweka huru, mtakuwa huru kweli kweli”* (Yohana 8:36). Mungu amekuokoa (amekukomboa) kuingia katika Ufalme Wake. Huko ndiko uliko sasa; huko ndiko mahala pako. Tayari umekombolewa (umeokolewa) kutoka katika nguvu za giza. Zingatia kuwa hili liko katika wakati uliopita—*tayari umekwisha kombolewa kutoka katika nguvu za giza!*

ROHO WA MUNGU ANAKAA NDANI YAKO!

Sehemu nyingine kuu ya Maisha haya mapya ni kwamba Roho wa Mungu huja kukaa ndani yako. Pale Roho wa Mungu anapochukua makao Yake ndani yako, anakupa mwangaza katika Neno la Mungu na kukupatia uelewa mpya wa Neno.

Hivyo sasa, unapojifunza Biblia, unao uelewa mpya katika roho yako mwenyewe; unaweza litumia [Neno] katika maisha yako.

Kitu kingine Roho Mtakatifu anachofanya

ni kukukumbusa Neno la Mungu (Yohana 14:26). Katika kuongezea, anakupa nguvu ya kuwa shahidi fanisi wa injili ya Yesu Kristo.

"Lakini mtapokea nguvu, akiisha kuwajilia juu yenu Roho Mtakatifu; nanyi mtakuwa mashahidi wangu katika Yerusalemu, na katika Uyahudi wote, na Samaria, na hata mwisho wa nchi" (Matendo 1:8).

UFANYE NINI PALE AMBAPO...

*MAWAZO YASIYOFAA HUKUJIA AKILINI
MWAKO?*

Kuwa umezaliwa tena hakukuzuii usijaribiwe, lakini unalazimika kutotii vishawishi [na majaribu]. Biblia inatufundisha kuwa wakati wowote tujaribiwapo, siku zote Mungu hufungua njia ya kuepukia (1 Wakorintho 10:13). Hivyo pale ambapo mawazo yasiyofaa hukujia akilini mwako, lazima ku:

(1) KUMBUKA KUWA WEWE NI KIUMBE KIPYA

Mawazo haya hukujia kama shambulio litokealo nje, namna ya ushawishi (jaribu) kutoka kwa ibilisi. Hauyatengenezi katika akili [au ufahamu] wako, ukizingatia sasa ambapo umezaliwa tena. Biblia inasema kuwa sisi (waamini tuliozaliwa tena) tunayo nia [au akili na ufahamu wa] Kristo (1 Wakorintho 2:16). Ni lazima ukumbuke wewe ni nani sasa, kiumbe kipyaa! Siku zote Mungu anataka tukumbuke kuwa sisi ni viumbe wapya na kwamba ametupatia uzima mpya. Uzima huu mpya ndio unaotakiwa kuuamini.

(2) ENENDA KATIKA UTII

Mtii Mungu! Hebu tudhanie kwamba wazo la tabia mbaya limekujia. Shinikizo ni kubwa sana juu yako ukishawishiwa kutenda

kitu hicho kisichofaa; unaweza hata kufika mbali kiasi cha kuanza hatua za awali za tendo lisilofaa. Lakini papo hapo, unapokumbuka kuwa umezaliwa tena, mtu mpya, mara unao ujasiri na uthubutu wa kulitupilia mbali.

Mtii Mungu! Unajua, kuwa umezaliwa tena haimaanishi kuwa mawazo yasiyofaa hayakujii, lakini hoja ni kwamba haupaswi kuyaruhusu yakukamatilie. Yakatae! Mtu mmoja alinena kwa usahihi kuwa, “Hauwezi kuwazuia ndege wasipae juu ya kichwa chako, lakini kwa hakika waweza kuwazuia wasijenge kiota hapo!”

Inawezekana usiweze kuyazuia mawazo haya yasikujie kwasababu ni shambulio linalotokea nje, lakini unaweza kuyazuia yasikae ndani yako. Usiyaruhusu mawazo yasiyofaa kuweka makao ndani yako; usiyaruhusu yawe na mamlaka au utawala juu yako. Badala yake unaweza kuyazuia kwa kufikiria vitu sahihi (Wafilipi 4:8)

Hebu mathalani tudhanie kuwa ulikuwa msanii au mtumbuizaji wa jukwaani, na ukawa ukiigiza nafasi ya mwanamke, ijapokuwa wewe ni mwanaume. Ulikuwa ukivalia mavazi na nywele bandia za mwanamke, na kutumbuiza na kuzungumza kama mwanamke, lakini hausahau ya kuwa wewe ni mwanaume ifikapo mwisho wa igizo. Utashuka jukwaani na kwenda katika nyumba cha kubadilishia nguo, na kubadili kuvaa mavazi yako halisi na kutembea mtaani. Pale unapotoka kwenda kazini katika siku ya Jumatatu asubuhi, wala hausahau ya kuwa wewe ni mwanaume haswa. Utazungumza na kuishi kama mwanaume. Itakuwa ni jambo la kuchekesha kwa wewe kurudi kazini ukizungumza na kuenenda kama mwanamke kwa namna ile ile kama ulivyofanya ukiwa unaigiza jukwaani usiku wa jana.

Ndivyo namna iwavyo kwako sasa. Ulitenda kwa namna isiyofaa kabla hujazaliwa

tena, lakini sasa unao uzima mwingine. Uzima huo mpya ndio unaopaswa kuuishi sasa. Umekuwa ukiigiza katika nafasi ya mwanamke kwa kitambo kirefu na wakati mwingine wajisahau na kuanza kutenda kama mwanamke. Alafu ndiposa wakumbuka kuwa wewe ni mwanaume na kujirekebisha. Unainuka katika hekima na kusema, “Aha, mimi si mwanamke; mimi siko jukwaani nikiigiza; ninatakiwa kuwa halisi!”

Hivyo ndivyo unavyopaswa kuizuia tabia mbaya. Jiambie, *“Tazama, nimezaliwa tena. Hiyo ndiyo asili yangu halisi!”* Haijalishi hata iwe ni tabia gani, pale unapokumbuka (na utakumbuka), SIMAMA! Jiambie, *“Nimezaliwa tena! Ishia hapo!”*

Usiruhusu mzunguko wa dhambi uendele, na usione haya kumwambia yeyote anayehusika katika hilo na wewe, *“Aha samahani siwezi kufanya hilo kwasababu nimezaliwa tena.”*

Ziondoshe tabia mbaya kwa kuzibadili kwa zilizo njema. Fanya hili kwa makusudi. Tafuta tabia za kiungu kutoka katika Neno la Mungu na ujizoeze kuzifanya kwa kutenda tena tena.

(3) KUWA MTENDAJI; LITENDE NENO!

Mungu hataki tuwe wasikiaji tu, bali watendaji wa Neno.

"Lakini iweni watendaji wa neno, wala si wasikiaji tu, hali mkijidanganya nafsi zenu. Kwa sababu mtu akiwa ni msikiaji wa neno tu, wala si mtendaji, mtu huyo ni kama mtu anayejiangalia uso wake katika kioo. Maana hujiangalia, kisha huenda zake, mara akasahau jinsi alivyo" (Yakobo 122-24).

Unakuwa mtendaji wa Neno pale

unapolikumbuka Neno na kutenda sambamba nalo. Na siku zote utalikumbuka. Hilo ni mojawapo ya mambo ambayo Roho Mtakatifu hutenda ndani yetu. Yesu alisema, *“Lakini huyo Msaidizi (Mfariji), huyo Roho Mtakatifu, ambaye Baba atampeleka kwa jina langu, atawafundisha yote, na kuwakumbusha yote niliyowaambia”* (Yohana 14:26).

Asante Mungu Roho Mtakatifu yuko hapa; anatusaidia kulikumbuka Neno! Sasa, pale unapolikumbuka Neno, ni lazima ulitende. Usifedheheke kuhusiana na kukumbuka; Roho Mtakatifu ataleta katika kumbukumbu zako. Lakini siku zote unalazimika kuwa tayari kumtii pale anapozileta kweli hizi katika ufahamu [na akili] yako.

(4) KUMBUKA KUWA DHAMBI HAITAKUWA NA UTAWALA JUU YAKO

Lazima ukumbuke kitu kimoja: Mawazo yasiyofaa hayana nguvu ya kutawala juu yako mpaka uyaruhusu.

“Kwa maana dhambi haitawatawala ninyi....” (Warumi 6:14). Dhambi haitakuwa na ubwana juu yako. Haitakuwa na nguvu kukushinda, kwasababu hauko chini ya Sheria bali chini ya neema. Hicho ndicho Biblia inachosema kuhusiana na wewe.

Mungu amekukomboa (amekuokoa) kutoka katika nguvu za dhambi na za giza, na kukuweka katika Ufalme Wake:

“Mkimshukuru Baba, aliyewastahilisha kupokea sehemu ya urithi wa watakatifu katika nuru. Naye alituokoa katika nguvu za giza, akatuhamisha na kutuingiza katika ufalme wa Mwana

wa pendo lake” (Wakolosai 1:12-13).

Huko ndiko uliko sasa ambapo umezaliwa tena, hii ndio maana nguvu za giza haziwezi kuwa na utawala juu yako. Ziko katika anga la dhambi, lakini wewe u katika anga la uzima wa Mungu, ambalo limepita [na kushinda] dhambi. Hivyo waona, haziwezi kuwa na utawala [wala mamlaka] juu yako.

Wakolosai 1:14 inasema, **“Ambaye katika yeye tuna ukombozi, yaani, msamaha wa dhambi”** Ndani ya Kristo Yesu, tunao ukombozi. Huu ni umiliki wetu wa saa hii (Waefeso 2:5-6). Hatujaribu kuwa nao; tunao sasa! Ni lazima tushikilie ufahamu [na ufikiri] huu wa Neno la Mungu na kufurahia katika huo.



UFANYE NINI PALE AMBAPO...

*MARAFIKI ZAKO WA KALE HUKUJARIBU
KUKUKATISHA TAMAA?*

Sasa ambapo umezaliwa tena, wewe ni wa familia mpya. Wewe si wa familia yako ya kale tena. Hii haimaanishi kwamba ndio uwatenge kabisa wale marafiki na jamaa wa kale au uwakatae. Unatakiwa kuwa mwangaza (nuru) kwao. Wao bado wamo gizani, kwasababu hawana Yesu Kristo mioyoni mwao. Ni lazima ukumbuke kuwa umekuwa nuru ya Mungu kwao. Washirikishe Injili, ili wao pia wakaweze kumfuata Yesu.

Unapaswa kufanya nini pale wanapojaribu kukukatisha tamaa? Biblia inasema kuwa katika siku za mwisho, kutakuwapo na wale wenye kudhihaki ambao watafanya kila kisichofaa wawezacho kifikiria na kuicheka kweli (1 Petro 3:3-4).

Wadhihaki ni wale wenye kujaribu kukukatisha tamaa na kukurejesha katika maisha ya kale. Pamoja na hivyo, ni lazima ukatae kutikiswa nao. Kataa kuruhusu mienendo yao isimame katika njia ya ushirika wako na Kristo. Kataa kufungwa nao nira kwa namna isivyo sawa sawa. Usikubali shauri lao. Badala yake, endeleza msimamo wako kwa Mungu na Neno Lake.

KUFUNGA NIRA ISIYO SAWA SAWA

Katika siku za mwanzoni za kilimo cha kutumia mashine, mkulima angeliwafunga wanyama wawili, kwa mfano, punda wawili au

ng'ombe wawili, na kuwavika plau. Wanyama wale walilima ardhi pale walipotembea kwa pamoja. Kwasababu walifungwa nira pamoja, wanyama hao wawili iliwabidi kwenda katika uelekeo sawa sawa. Kokote alikoenda wa kwanza, wa pili naye alikwenda pia. Mkulima aliwaelekeza na iliwabidi waende katika uelekeo mmoja maadam' tu kama walikuwa chini ya nira sawa sawa.

Sasa kama wote wawili walikuwa ni punda, iliitwa 'nira sawa sawa.' Lakini kama mmoja alikuwa punda na mwingine alikuwa ng'ombe, iliitwa 'nira isiyo sawa sawa' (Kwasababu hawakuwa wa aina moja). Kama tunatakiwa kufungwa nira na yeyote, ni lazima iwe 'nira sawa sawa.' Yaani, Mkristo na Mkristo wakienenda pamoja katika ushirika. Lakini kama Mkristo na asiye Mkristo wako katika ushirika pamoja, wamefungwa nira isiyo sawa sawa. Na Mungu anasema, "Msifungwe

nira isivyo sawa sawa na wasioamini” (2 Wakorintho 6:14-16).

Unaona, kama wewe na asiyeamini mko katika ushirika, mkiishi maisha pamoja, basi umo katika nira isiyo sawa sawa, na hili si sahihi. Mungu hataki ufungwe nira isivyo sawa sawa; bali, anataka ufungwe nira sawa sawa na Wakristo wengine, mkifanya mambo yale yale pamoja na wao [Wakristo wengine]. Wasioamini hawawezi kuwa marafiki zako wa karibu kuliko wote. Haijalishi hata mtu awe na maadili vipi, ilimradi tu hajazaliwa tena, hawezi kuwa rafiki yako wa karibu kuliko wote.

Haiwezekani na haikubaliki mbele za Mungu, kwasababu ni kufunga nira isiyo sawa sawa. Tathmini yako kuhusiana na mtu haiwezi kamwe kulinganishwa na tathmini ya Mungu [kuhusiana na mtu].

Wakati fulani, Mungu alimtuma Samweli katika nyumba ya Yese ili akampake mafuta

[na kumtawadha] mmoja wapo wa wanawe kuwa mfalme wa Israeli (1 Samweli 16:1-13). Pale Samweli alipomuona mwana wa kwanza wa Yese, Eliabu, Samweli akasema, “Hakika masihi wa Bwana yu mbele Zake,” kwasababu alikuwa mkubwa, mrefu na mtanashati. Lakini Mungu akasema na nabii na kumwambia, “Usimtawadhe (Usimpake mafuta), kwasababu mimi nimemkataa.” Hivyo tathmini yako kuhusiana na mtu, katika kiwango cha juu kabisa, imegemezwa katika mwonekano wa nje— kile asemacho, namna anavyoonekana, namna anavyotembea, n.k. Unaweza kuumba kila aina ya mtazamo kuhusiana na mtu huyo kwa kuzingatia haya, lakini jua, Mungu anatazama mwonekano wa ndani.

Yule ambaye hajazaliwa tena hana roho iliyo sawa sawa mbele za Mungu. Namna pekee ambayo mtu anaweza kuwa sawa sawa kwa Mungu ni kwa kuzaliwa tena. Huu ndio

wakati pekee ambao mtu anakuwa na kigezo cha kuwa rafiki yako wa karibu zaidi. Mpaka atakapozaliwa tena, ndipo atakapoweza kuwa rafiki yako wa karibu; kinyume na hapo hana vigezo vya Mungu kuwa rafiki yako wa karibu. Sasa ambapo umezaliwa tena, shauku yako yapaswa iwe ni kumpendeza Mungu, hivyo ni lazima usitumie vigezo vyako mwenyewe. Hili ni la muhimu sana.

Ulinde moyo wako katika vigezo [na viwango] vya Mungu, naye atakupitisha (1 Wakorintho 10:13).

UFANYE NINI PALE AMBAPO...

KUUDHIWA NA KUONEWA HUJA?

Katika Marko 4:1-9, Yesu alituambia kuhusiana na mfano wa mpanzi. Mtu mmoja alikwenda kupanda mbegu zake na baadhi zikaangukia katika mwamba, baadhi katika miiba na nyingine penye udongo ulio mzuri.

Katika mstari wa 16 na 17, Biblia inasema,

"Kadhalika na hawa ndio wapandwao penye miamba, ambao kwamba waki-isha kulisikia lile neno, mara hulipokea kwa furaha; ila hawana mizizi ndani

*yao, bali hudumu muda mchache; kisha
ikitokea dhiki au udhia kwa ajili ya lile
neni, mara hujikwaa.”*

Anazungumzia wale ambao hawana mzizi ndani yao, na hivyo wanavumilia mateso kwa kitambo kifupi tu. Anasema ijapokuwa watu kama hao wanalipokea Neno kwa hamasa, lakini taabu au dhiki ikija kwa ajili ya lile Neno, hukwazika (hujikwaa). Hili limewatokea watu kadha wa kadha.

Anachosema Yesu hapa ni kuwa kuna watu wengi ambao hawana upendo wa ndani Kwake. Wanalifurahia Neno la Mungu kwasababu ya zile ahadi za uzima wa milele, furaha na majibu ya sala, lakini kiuhalisi hawana ule upendo wa ndani kwa Mungu. Hivyo kuudhiwa [na dhiki] inapokuja, wanaka tamaa. Hili linasikitisha! Pale kuudhiwa na kuonewa kunapokuja, unachotakiwa kufanya ni kulifuata Neno:

(1) NI LAZIMA UWE NA UPENDO WA NDANI KWA MUNGU

Mungu anataka uwe na upendo wa ndani, thabiti Kwake. Pendo linaweza kuongezeka au kupungua. Kadri ufikiriavyo kuhusu Yeye, kusikiliza Neno Lake na kuwa na ushirika naye katika sala, ndivyo uwavyo na upendo mkubwa zaidi Kwake, kwasababu upendo huongezeka kupitia kujuana [na kuzoeana]. Kadri unavyozidi kumjua Mungu [na kuwa karibu naye], ndivyo unavyozidi kumpenda. Kadri unavyosikiliza Neno Lake, ndivyo unavyomgundua na kumpenda, na pia ndivyo akujazavyo zaidi kwa nafsi Yake.

Pale ambapo unakuwa na upendo huu thabiti kwa Mungu, Neno Lake huwa na mizizi moyoni mwako ili kwamba hata unapokutana na hali yoyote, unajua nafasi ya Mungu kuhusiana na suala hilo na wasukumwa kutamka msimamo wa Mungu kuhusiana na

hilo.

Biblia inasema kuwa uzima na mauti vi katika uweza wa kinywa (Mithali 18:20-21), na pia kinywa hunena yale yaujazayo moyo (Mathayo 12:34-35, 37). Pale unapoujaza moyo wako kwa Neno la Mungu, haijalishi kuwe na hali gani, utaona mambo kwa namna ya Mungu na kutamka kama Mungu. Na litakuwa!

(2) USIKATE TAMAA!

Kamwe usikate tamaa pale matatizo yanapoibuka! Kuwa umezaliwa tena haimaanishi kuwa matatizo hayatakuja, na wala haina maana kuwa hakutakuwapo na majaribu. Hapa maana nyepesi ni kuwa katikati ya magumu yote, katika uwepo wa matatizo yote, Mungu atakupitisha. Kama ilivyo katika Zaburi 23:5: “Waandaa meza mbele yangu

machoni pa watesi wangu ...” unaweza kuwa upo kabisa katika uwepo wa adui zako, lakini hawawezi kukuharibu; kuudhiwa [na dhiki] hakuwezi haribu maisha yako.

Mungu hataki ukate tamaa. Ni lazima usimame imara! Haijalishi hata mambo yaonekane magumu namna gani, kamwe usikate tamaa! Mungu atakuvusha, kwahiyo usikatishwe tamaa. Endelea kuwa mwaminifu kwake naye hatokuvunja moyo wala kukuacha kamwe. Utashinda katika kila hali maishani, kwasababu hali zote hukutii. Isaya 43:2 inasema upitapo katika maji mengi, hayatakugharikisha na pale upitapo katikati ya moto, hautakuunguza. Pale unapomfuata Yesu Kristo, mtumikie kwa moyo wako wote. Mfuate bila kujali changamoto.

“Lakini Mungu na ashukuriwe atupaye kushinda kwa Bwana wetu Yesu Kristo. Basi, ndugu zangu wapendwa,

mwimarike, msitikisike, mkazidi sana kutenda kazi ya Bwana sikuzote, kwa kuwa mnajua ya kwamba taabu yenu siyo bure katika Bwana.” (1 Corinthians 15:57-58).

“Kwa maana kila kitu kilichozaliwa na Mungu huushinda ulimwengu; na huku ndiko kushinda kuushindako ulimwengu, hiyo imani yetu” (1 John 5:4).

Unaona, Mungu hutupa ushindi kupitia Bwana wetu Yesu Kristo, hivyo hatuwezi kuwa walioshindwa. Jifunze 1 Yohana 5:4 kwa makini; inazungumzia kuhusu kushinda kuushindako ulimwengu huu, ambako ndiyo Imani yetu. Ishi kwa Imani; wewe ni mshindi, si wa kushindwa. Ulizaliwa ukiwa mshindi, kwasababu ulizaliwa na Mungu, wewe ni uzao wa Mungu, umezaliwa na Roho Wake!

Kuzaliwa tena ni kuzaliwa na Roho wa

ROHO MTAKATIFU NA WEWE

Mungu (1 Wakorintho 12:13, John 3:5-8). Pale unapozaliwa tena, Roho Mtakatifu huwa sehemu ya muhimu ya maisha yako. Unahitaji kuelewa Yeye ni nani na kuitambua kazi Yake.

Ni lazima uelewe ni nini amekuja kukupatia, ili uweze kufurahia uzima tele ambao unapatikana ndani ya Kristo na kukipokea kipawa (1 Wakorintho 12:8-10) na nguvu (Luka 24:49, Matendo 1:4-8) inayopatikana kwako [na kwa ajili yako] kupitia Yeye.

ROHO MTAKATIFU NI NANI?

Katika maeno tofauti ya Biblia, tunaona Roho Mtakatifu akitajwa.

- Katika Agano la Kale, tunaona akiwapa [watu] nguvu na uwezo wa kufanya mambo yaliyopita kawaida (Waamuzi 14:6, 19).
- Katika Agano Jipya, tunamuona hata zaidi katika kuzaliwa, huduma na maisha ya Yesu (Luka 4:18).
- Roho Mtakatifu pia anaonekana katika Matendo 2:1-4 akitenda katika Maisha ya wafuasi (wanafunzi) wa Yesu.
- Yeye ni Mungu. Yeye Ni Nafsi ya Kiungu na ni Nafsi ya tatu ya Mungu (Yohana 14:16-17, Yohana 15:26).
- Amekuwapo kabla ya wakati (Mwanzo 1:2).
- Yeye ndiye udhihirisho wa nguvu za Mungu. Kwa maneno mengine, Yeye ni sehemu ya Mungu ambayo hukamilisha maneno

yoyote yale ambayo Baba hutamka
(Mwanzo 1).

- Yeye ni Roho wa upendo, nguvu na hekima
(2 Timotheo 1:7).
- Yeye ni Roho wa uhuru (2 Wakorintho 3:17).

KIPI AMBACHO ROHO MTAKATIFU SIYE?

Vile vile ni muhimu kuzingatia kwamba Roho Mtakatifu Si msukumo, upepo, mafuta au njiwa (hua), ijapokuwa katika Maandiko, tunamuona akifananishwa na vitu hivyo. Yeye si 'kunena kwa lugha,' ijapokuwa anatupa maneno ya kutamka [katika kunena kwa lugha]. Yeye si 'nguvu,' lakini anatuletea nguvu ya Mungu. Yeye si Roho akuwekaye tena katika utumwa na kukuleta katika hofu (Warumi 8:15), bali Roho wa uhuru (2 Wakorintho 3:17).

KWANINI TUNAMUHITAJI ROHO

MTAKATIFU?

- Roho Mtakatifu hutupatia nguvu ya kiungu (Matendo 1:8). Neno 'nguvu,' lililotafsiriwa kutoka katika neno la Kigiriki 'dunamis,' limanaanisha 'uwezo wenye kujiongeza ili kuleta mabadiliko.' Pale Roho Mtakatifu anapokuja kuishi ndani yetu, anatupa uwezo wa kubadili vitu katika maisha yetu na maisha ya wengine.
- Hutupatia ujasiri [na uthubutu] wa kuihubiri injili (Mathayo 28:18-20, Marko 16:15-18).
- Hutuongoza na kutupa uelekeo (Yohana 16:13, Warumi 8:14).
- Hutufariji (Yohana 14:18, Matendo 9:31).
- Hutuelekeza na kutufundisha (Yohana 14:26, 1 Wakorintho 2:11-12).
- Hutembea nasi na kuwa sehemu muhimu ya maisha yetu ya kila siku (Yohana 14:16).
- Hushuhudia pamoja na roho zetu ya kuwa sisi ni Watoto wa Mungu, na kwasababu

hiyo tu washirika wa utajiri Wake ndani ya Kristo Yesu (Warumi 8:16; Waefeso 3:6).

- Hutupatia uhuru wa kumkaribia Mungu katika pendo (Warumi 8:15, 2 Wakorintho 3:17; 2 Timotheo 1:7)

UNaweza Kuwa na Mahusiano na Roho Mtakatifu

Katika Yohana 14:17, Yesu anasema,

"Ndiye Roho wa kweli; ambaye ulimwengu hauwezi kumpokea, kwa kuwa haumwoni wala haumtambui; bali ninyi mnamtambua, maana anakaa kwenu, naye atakuwa ndani yenu."

Kuwa na mahusiano (uhusiano) na Roho Mtakatifu ni kuutambua uwepo Wake na kuikubali huduma Yake maishani mwako. Kwahivyo unalazimika kutumia muda katika

uwepo Wake ukiwasiliana na Yeye na kupata kumjua kama Rafiki Yako. Unaweza kuwa na mahusiano haya kwa kutumia muda kusali, kujifunza Neno na kutii misukomo na miongozo ya Roho Mtakatifu.

Ukiwa umezaliwa tena, umebatizwa ndani ya Roho wa Mungu. Kubatizwa maana yake ni kuzamishwa kabisa ndani ya kitu fulani. Kwa mfano, unaweza kuchukua mpira wa plastiki, na kuuzamisha katika chombo kikubwa cha maji kiasi kwamba ule mpira unafichwa kabisa na yale maji. Hiki ndicho hutokea pale unapozaliwa tena – unazamishwa, kama mpira, [nawe vivyo hivyo wazamishwa] ndani ya Roho Mtakatifu.

Unajua, ni kitu kimoja kwa mpira kufunikwa na maji na ni kitu tofauti kabisa kwa mpira kujazwa na vile vile kufunikwa na maji. Kwa mpira kujazwa, lazima kuwepo na njia ya maji kuingia humo. Kwa maneno mengine, ile

nyenzo iliyotumika kutengeneza huo mpira ni lazima iruhusu maji yapenye [na kutiririkia] humo. Kwa namna iyo hiyo, pale ambapo umezaliwa tena, ni lazima umpokee Roho Mtakatifu ndani yako na ujazwe naye.

Alafu, kujazwa na Roho Mtakatifu si tukio moja mbalo hutokea mara moja katika maisha ya mtu. Bali, ni uzoefu [na tukio] endelevu, la kila siku (Waefeso 5:18). Hili husaidia katika kumbukumbu yako juu ya uwepo Wake na kutambua huduma Yake maishani mwako wakati wote. Unaweza kujazwa na Roho Mtakatifu wakati wote, pale unapokua katika ushirika wako na Yeye, kupitia sifa, sara, kujifunza Neno na kuendelea kushikilia maagizo na misukumo Yake. Namna hii, unaweza kuongozwa na Roho Mtakatifu.

KUNENA KWA LUGHA MPYA

Kama nilivyotaja hapo awali, Roho Mtakatifu huwapa Watoto wa Mungu matamshi ya kunena kwa lugha mpya. Moja wapo ya ishara ambazo Bwana alisema zingeliwafuata waamini ni kuwa watanena kwa lugha mpya (Marko 16:17).

Huu ni uwezo wa kiroho na upitao kawaida ambao kwa huo mwamini huwasiliana moja kwa moja na Mungu kutokea rohoni mwake, na hupandikizwa kwako kama kipawa kitolewacho [na kufanyika] kwa Roho Mtakatifu.

Kunena kwa lugha mpya wakati mwingine huzungumziwa kama ‘kusali/kuomba katika Roho.’ Pale tunaponena kwa lugha mpya, tunazungumza moja kwa moja na Mungu (1 Wakorintho 14:4) na roho zetu huboreshwa na kujengwa (Yuda 1:20). Roho zetu vile vile hutiwa nguvu na kuburudishwa (Isaya 40:31).

Pale unapompokea Roho Mtakatifu, unaweza kunena kwa lugha muda wowote unaochagua. Haneni kwa kupitia wewe, bali anakupa uwezo wa kunena. Hivyo unaweza kuendelea na uzungumze na Bwana katika lugha mpya kuhusiana na chochote unachotamani.

Pale unapoanza kunena kwa lugha mpya, utakuwa fasaha zaidi pale unapofanya liwe ni tendo la mara kwa mara. Ni kama mtoto mdogo ambaye ndio ameanza kuzungumza maneno yake machache ya awali. Kadri anavyojizoeza kunena, ndivyo anavyozidi kupata ufasaha. Iko hivi hivi pia katika kunena kwa lugha mpya. Ni lugha mpya, na ijapokuwa hauhitaji kujifunza, utakuwa na ufanisi zaidi pale unapoendelea kuinena.

Vile vile, pale unaponena kwa lugha mara kwa mara, itaboresha maendeleo yako ya kiroho na kukupeleka katika vipawa [na

karama] zingine na udhihirisho wa Roho wa Mungu.

Katika Mathayo 16:18, Yesu alilizungumzia

JE! NI LAZIMA UENDE KANISANI?

Kanisa Lake, ambalo ndio mwili Wake duniani, na akasema angelijenga na malango ya kuzimu hayataweza [kushindana nalo wala] kuliweza.

"Maana kama vile mwili ni mmoja, nao una viungo vingi, na viungo vyote vya mwili ule, navyo ni vingi, ni mwili mmoja; vivyo hivyo na Kristo. Kwa maana katika Roho mmoja sisi sote tulibatizwa kuwa mwili mmoja, kwamba tu Wayahudi, au kwamba tu Wayunani; ikiwa tu watumwa au ikiwa tu huru; nasi sote tulinyweshwa Roho

*mmoja. Kwa maana mwili si kiungo kimoja,
bali ni vingi” (1 Wakorintho 12:12-14).*

Sisi ni Mwili na Kristo ndiye Kichwa. Wakristo wote (waliozaliwa tena) ni viungo vya mwili Wake, na kiungo kila mmoja kwa mwingine (1 Wakorintho 12:27). Na kama tu ambavyo viungo tofauti vya mwili wa binadamu haviwezi kufanya kazi kwa kuachana, viungo tofauti vya mwili wa Kristo haviwezi kutenda kazi kwa ufanisi kila kimoja kikiwa chenyewe. Hii ni kwasababu Mungu alitoa karama na miito tofauti kwa viungo vya Kanisa, ili kwamba Kanisa lote likanufaike (1 Wakorintho 12:18-24; Waefeso 4:11-12).

Kuhudhuria kanisani kwahivyo ni kutii mapenzi ya Mungu, na inatusaidia kubarikiana na kujengana sisi kwa sisi kwa karama [na vipawa] tofauti vya Mungu– miujiza, uponyaji, unabii, n.k. Unaweza kupata uelewa zaidi wa Neno linalofundishwa, kusikia shuhuda, na kushuhudia miujiza. Kusali (kuomba) na kumuabudu Mungu pamoja huleta ‘upako wa pamoja’ wa Roho Mtakatifu, akimhudumia kila mtu aliyepo katika kusanyiko hilo kwa namna ya kipekee [na tofauti na mwingine]

(Waebrania 10:25; Matendo 1:14; Zaburi 133:1-2).

Kutembea katika Neno wewe mwenyewe ni sawa na kazi ya kupanda mlima pale ambapo hauhudhuria Kanisa lililojazwa Roho. Hata hivyo, kushiriki kwa ufasaha katika kanisa kama hilo hukuwezesha kugundua zaidi kuhusiana na kanisa na washirika wake. Vile vile unaweza kuiendeleza roho yako (utu wako wa ndani) kufikia ukomavu. Hili hufanya kutembea kwako katika Neno kuwe rahisi zaidi na kuwa mwenye uzalishaji zaidi.

Kama Mkristo, lazima utambulikane kwa kusanyiko la ulipo, kanisa ambalo utaweza kuliita NYUMBANI (MASKANI) na kushiriki kwa ukamilifu katika shughuli zake. Vinginevyo, utajinyima baraka nyingi za Mungu na utakuwa ukitembea nje ya mstari na Neno Lake.

Sasa ambapo umezaliwa upya, tembea katika ufahamu wa wewe ni nani na usiache kusanyiko la watakatifu (Waebrania 10:25). Nenda kanisani!

KUKUA

Biblia hutuasa ya ku: ***“Jitahidi (jifunze Neno ili) kujionyesha kuwa umekubaliwa na Mungu, mtenda kazi asiye na sababu ya kutahayari, ukitumia kwa halali [na usahihi] neno la kweli”*** (2 Timotheo 2:15). Ninakushauri usome vitabu tofauti, makala zinazotoka kila siku na jumbe mbalimbali kwa ajili ya ukuaji wako kiroho. Humo yamejumuishwa mafundisho na mafunuo yaliyolenga kukuonyesha namna ya kuwa mwenye kuzaa matunda na uzalishaji katika kila eneo la maisha yako, na itasababisha imani yako kuinuka juu moyoni mwako ili tu uwe hivyo. Pata vitu hivyo. Jifunze vitu hivyo. Liweke Neno katika matendo na uone mageuzi ya kitukufu maishani mwako!

Tili kuwasiliana na mtunzi andika:
Mchungaji Chris Oyakhilome:

Tanzania:

Dar es Salaam, Mbezi Beach – Makonde
Tel: +255 742 942 655

United Kingdom:

Unit C2, Thamesview Business Centre
Barlow Way, Rainham, RM13 8BT
Tel.: +44 (0)1708 556 604

South Africa:

303 Pretoria Avenue
Cnr. Harley and Bram Fischer,
Randburg, Gauteng, South Africa.
Tel: +27-11-326 0971,
+27-11-326 0972

Nigeria:

Christ Embassy
Plot 97, Durumi District,
Abuja, Nigeria.

Nigeria:

Plot 22/23 Billings Way, Oregun,
Ikeja, Lagos.
Tel: +234-808 586 5700,
+234-817 198 7339
+234-802 478 9892-3

Tafadhali husisha ushuhuda wako au msaada uli-
opokea kutoka katika kitabu hiki unapotuandikia.
Haja za maombi yako pia zinakaribishwa.



Chris Oyakhilome, DSc, D.D., ni Raisi wa "Loveworld Inc"., huduma yenye kubadilika na ya namna nyingi, ya kiulimwengu (kimataifa). Kama Mchungaji, mwalimu, mhudumu wa uponyaji, muongoza vipindi vya televisheni, na mtunzi mashuhuri wa vitabu, Mchungaji Chris anayo shauku ya kuwafikia mamilioni ya watu wa dunia kwa uwepo wa Mungu—jukumu la kiungu ambalo amelitimiliza kwa zaidi ya miaka 30 na kuwasaidia mamilioni kuishi maisha ya kiushindi na kusudi katika Neno la Mungu.

Ni muandishi mwenye matokeo, mtunzi wa "Rhapsodi Ya Uhalisi," kitabu [na Makala] #1 duniani ya kusoma kila siku, yenye kusambazwa kila mwezi ulimwenguni kote katika lugha zaidi ya 3,700, ndani ya nchi 242. Pia ametunga vitabu vingine zaidi ya 30.

Mchungaji Chris ni mwanzilishi wa jumuiya ya kimtandao ya maombi iitwayo (@PastorChrisLive kupitia mtandao wa Kings-Chat) ambako Wakristo duniani kote wanajumuika kwa ajili ya sala na maombezi, na ni muongozaji wa kipindi cha "Atmosphere for Miracles (Anga Kwa Ajili Ya Miujiza," kipindi kina-chouleta uwepo wa Mungu mpaka nyumbani mwako kabisa. Upana wa huduma yake ya televisheni husambaa duniani kote kwa Mitambo ya Matangazo ya "Loveworld" ikiwasilisha vipindi bora vya Kikristo kwa hadhira ya kiulimwengu.

Huduma ijulikano duniani ya "Healing School (Shule Ya Uponyaji)" ni huduma ya Mchungaji Chris yenye kuzidhihirisha kazi za uponyaji za Yesu Kristo, na imewasaidia wengi kupokea uponyaji kwa kupitia utendaji kazi wa vipawa vya Roho.